

禹貢易知編

禹貢易知編卷六

丹徒李慎儒鴻軒氏輯

男

壽

慈

校字

婿曹用霖全校

荆及衡陽惟荊州

蔡傳荊州之域北距南條荆山

案言非雍州荆山南盡岐既旅之荆山

衡山之陽荆衡各見導山

案漢書地理志南郡臨沮自注禹貢南條荆山在東

北漳水所出東至江陵入陽水陽水入河行六百里應劭曰沮水出漢中房陵東入江師古曰沮即左傳所云江漢沮漳楚之望也又荊州記臨沮西北三十里有清溪溪北即荆山下和璞玉之處山有抱玉巖下和所居也今湖北襄陽府南漳縣西北八十里荆山三面險絕惟西南一面通人徑釋名曰荊州取

荆山之名漢書地理志長沙國湘南自注禹貢衡山
在東南荆州山今湖南衡州府衡山縣西北三十里
有衡山即五嶽中之南嶽高四千一百丈盤繞八百
里佔衡州府衡山衡陽長沙府湘鄉湘潭善化五縣
地有七十二峰巖壑之奇峭五嶽之冠也
十八泉二十五谿九池九潭九井又有九穿三漏九
域志名山三百六十八
柱天杜峰為第六柱
唐孔氏曰荆州以衡山之陽

為至者蓋南方以衡山為大以衡陽言之見其地不

止此山而猶包其南也案鄭康成曰荆州界自荆山至衡山之南鄭蓋謂南則越

衡山之南而北不到荆山之北蓋荆山之北則侵入

豫梁二州境矣書疏謂北至荆山之北故言據非是

案殷有荆無梁爾雅漢南曰荆州郭注白漢南至衡
山之陽漢水出蟠冢梁州山也自蟠冢以東至大別

凡在漢水之南者皆爲荊州案李巡言殷時雍兼梁地
玩郭氏漢南皆荆之說則梁地荆亦兼之不盡歸
雍自大別以東江南之地爲揚所侵大別以西漢東
之地亦皆入豫荊州之地縮於東北而贏於西南也
周禮正南曰荊州其山水如雲瞿江漢皆合禹貢惟
其浸潁湛鄭云潁出陽城陽城在今河南河南府登封縣東南四十里本周之
潁宜屬豫州在此非也湛未聞案漢志潁水出潁川
郡陽城縣陽乾山陽乾山在今河南河南府登封縣東二十五里潁水所出東至
下蔡入淮下蔡在今安徽鳳陽府壽州北三十里春秋時之州來也潁入淮處在州西北四十

里正陽關之東北謂潁水見杜預左傳注襄十六年之潁尾又謂之潁口

晉楚戰於湛阪注云襄城昆陽縣北潁水東入汝陽

在今河南南陽府葉縣北二十五里潁水在潁潁皆今葉縣城北三十里源出東南汝州魚齒山

在河南淮北周若割以屬荆則斗入豫域七八百里

故鄭闕疑又周承殷制亦有荆無梁賈公彥言雍豫

并兼梁地顏師古亦言周併梁合雍而皆不及荆殆

未察漢南曰荆之義蓋荆豫皆以漢水爲界梁州漢

北之地豫兼之漢南之地荆兼之其嶠冢以西則雍

兼之故二代無梁焉

此篇係錄王鳴盛尚書後案然王氏乃刪節聯綴胡渭禹貢錐

指故不能標

明某人曰

又案夏之芳曰荆州形勝則後背方城案方城今河南南陽府裕

州東北四十里之方城山左前及衡嶽左則彭蠡右

則九疑案湖南永州府甯遠縣南六十里有九疑山九峰參差并峙狀相似故曰九疑為險

阻之國沅湘眾水合洞庭而輸之江則武昌為之都

會案湖北省城江水下夔峽而抵荆楚案四川夔州府附郭奉節

縣城東八里有瞿唐峽兩巖對峙中貫一江說則江

陵為之都案荆州府附漢沔之上則襄陽為之都

會案襄陽府城北漢江守江陵則可以開蜀道守襄

案襄陽府城北漢江

陽則可以援川陝案襄陽府城西南至宜昌府五百

之歸州則當夔峽之口入蜀水道也襄陽府城西至

耶陽府四百二十里又西南三百八十里鄖陽府城

竹山縣縣南二百里有洪坪堡通陝西四川諸境襄

陽北至河南南陽府二百六十里南陽所領之內鄉

縣北一百七十里有武關由襄陽宛洛統歸陽縣

入武關秦伏兵守武昌九江則可以蔽全吳九江府

絕其後即此處

夫蘄黃北倚五關案黃湖北黃州府蘄黃州所領之

遮蔽江漢咽喉推汝為南北之要衝曰五關者所以

三州之北縣有南北之要衝曰五關者所以

西山邾城在山之南縣有南北之要衝曰五關者所以

地沮澤多而邱陵少淮西山澤相半無水隔者獨邾

城曰沙戍入武昌及六安舒城走南峽二路耳六舒

飲北縣入城安舒之

北縣入城安舒之

北縣入城安舒之

北縣入城安舒之

五關守不特黃陂有所依蔽而舒鄂亦有肩齒之衛
矣考五關皆建於宋代王海載其目曰黃之大活白
沙木陵此關雖廢其地猶在麻城縣東北七十里
麻城縣案以今之所在虎頭關在麻城縣東北七
勢最險接河南光州商縣界陰山關在麻城縣西
北接河南光州界陰山關在麻城縣東北七十里
百一里接河南光州界黃陂縣北二百里關在黃
北關在麻城縣北二百里關在麻城縣北二百里
城則古今疆域之殊耳五關之外別有險要即所
不如五關之著名皆係黃州府一帶北有險要即所
謂綿互八百之西山今湖北河南兩省交界處即古
荆豫二州分界處也案以上五關及各關皆黃州
府一帶皆在湖北偏東之地其西由南漳縣荆山發
脈連峰而東亦有關隘考南漳以東為荆門直隸州
自古以荆門山水著名又東則安陸府之鍾祥京山
二縣及德安府隨州南境又東為德安府所領之應

山縣北有義陽三關關今名之中關關今名曰平靖關一曰黃峴關關今名一曰武陽關關今名一曰古大隧直轅冥阨也左傳定四驛驛今名直轅直轅今名再東則黃州等處之五關關今名諸關皆依山前憑

大江占淮濡之上腴連雲夢之巨藪斯亦雄區矣然

識者以為非宅中圖外之地故水要莫如武昌險要

莫如襄陽路要莫如荊州信哉今考全荆流峙之次

自熊耳西導桐柏之源案謂淮也詳後導水下至陪尾以奠漢

陰諸山然後上遡岷嶓析而為二導之至其歸也則

嶓冢漢漾咸至大別屬之江案大別山在湖北漢陽府城東百步江逕其南

漢從西北來會於大別之東南山之左卽岷陽江沱

爲沔口亦曰漢口亦曰魯口亦曰夏口案自熊耳西導桐柏

成過九江受漢水之輸達諸海之源句至此皆錄顧

炎武天下郡國利病書蓋西北則析東南合之相比

攬結若天塹焉其獨擅雄奧有以也案周平王以兵

爲平王威舅申伯立己之恩故代戍守其實非也時

楚已強大欲擾中國必由今信陽州光州各處以兵

戍申卽所以攘外迫魯莊公六年楚滅申王室凌夷

中原多事齊桓召陵之盟遂稱非常功業船而難

砥柱時伐楚楚恐中國乘勢來討於是申息之北門

不啟息今河南光州直隸州息縣也可知五關險要

北人據之可禦南南人據之亦可禦北山川形勝互

古不殊矣

州府江華縣南嶺今名掛嶺第五曰越城嶺五嶺最西者也又名白芒縣界自北往南必由五嶺故兩廣皆稱嶺南

江漢朝宗于海

蔡傳江漢見導水春見曰朝夏見曰宗朝宗諸侯見天子之名也江漢合流於荆去海尚遠然水道已安而無有壅塞橫決之患雖未至海而其勢已奔趨於海猶諸侯之朝宗於王也案鄭康成曰荆楚域國有道則後服國無道則先彊故記其水之義以著人臣之節

案顧炎武天下郡國利病書曰漢自漢中至漢陽大

別山出漢口與江合漢水多泥沙自古遷徙不常但

均陽以上

案襄陽府之均州及鄖陽府也

山阜夾岸漢身甚狹不能

溢襄樊以下

案襄樊謂襄陽縣北漢江北岸之樊城與襄陽城隔江對峙

景陵以

上

案湖北安陸府明以興獻帝景陵所在陞為原隰承天府明之景陵縣則今安陸府天門縣也

平曠故多遷徙潛沔之間

案安陸府東南入十里為所屬之潛江縣又一百二

十里為天門縣沔水自潛江流入

大半匯為湖渚復其境與漢陽府之沔陽州接界

合流至乾鎮驛中分

案原書承天府下云景陵東八十里為乾鎮驛明承天府景陵

縣今安陸府也

一由張池口出漢川縣一由竹筒河出

劉家隔

案湖北漢陽府漢川縣南十里即臨漢水劉家隔在漢川縣北三十里皆承襄之下流

以故承襲一帶雖遷徙而無大害者以湖渚為之壑

三流為之瀉也

案漢水性曲往往十里九灣語曰勁莫如濟曲莫如漢又性至濁與江湖

水合其流必澄故常至填淤水勢迴蕩安陸之潛江

荆州之江陵漢陽府之沔陽州多豬馬湖即古之雲

夢澤也

正德以來宗明武潛河湖渚漸淤為平陸閒以

漢為濁流率私築隄圍之上流日以壅滯故邇來水

以為田故水道日狹而淤

患多在荆襄潛沔間以上錄漢江隄防考略篇中語

又曰漢水之患

全在荆州一郡夾岸凡六縣北岸則江陵監利隄凡

四萬九千餘丈南岸則枝江松滋公安石首隄凡五

萬四千餘丈

錄荆州府隄考略篇中語

而襄陽之隄亦關緊要古

有大隄曲蓋自商周已然矣皆為漢水之為害也

九江孔殷

案孔殷史記作甚中

蔡傳九江卽今之洞庭也水經九江在長沙下雋西

北案水經禹貢山水澤地所在篇曰九江地在長沙下雋縣西北長沙漢書地理志長沙國也又水經

江水篇又東至長沙下雋縣西北澧水沅水資水合東流注之湘水從南來注之楚地記曰

巴陵瀟湘之淵在九江之間今岳州巴陵縣案巴陵今湖南

岳州府附郭之縣卽楚之巴陵漢之下雋也案漢之下雋縣故城卽今湖南

常德府沅江縣治今之洞庭正在其西北則洞庭之

為九江審矣今沅水

案沅水出貴州鎮遠府黃平州南金鳳山俗名清水江古又稱

鎮陽江又稱洪江亦曰灕水東北入湖南沅州府界
合漸水淑水西水辰水無水至常德府龍陽縣東北
一百六十漸水案漸水出湖南常德府附郭武陵縣
里入洞庭水案即灕水灕字亦書作无譌爲元出貴
之處今元水案銅仁府北界至湖南辰州府盧溪縣
無可考元水案銅仁府北界至湖南辰州府盧溪縣
城東南辰水案辰水出貴州銅仁府西北界
注於沅辰水至湖南辰州府辰溪縣南注沅敘水敘
水一名雙龍江出湖南辰州府辰溪縣西注沅案西
西三十里至同府之辰溪縣西注沅西水出四川
西陽直隸州至沅澧水案澧水出湖南永順府桑植
州府城西南注沅澧水案澧水出湖南永順府桑植
入於資水案資水出湖南寶慶府武岡州西南一名
洞庭資水都梁水以州西百里有都梁山漢零陵郡
都梁縣也至長沙府城西北九十里喬江口入湘
者其正派於湘陰縣西北湘口入湘者其支派也湘
水案湘水出慶西桂林府興安縣南九十里海陽山
至湖南長沙府湘陰縣北之湘口入洞庭湖正對

湖中之皆合於洞庭意以是名九江也案朱曾彥和

石采山敘西湘資澧爲九江蔡氏遵之朱子考定九江據導

江文先合澧而後過九江故不數澧又以無字誤作

元謂無此水故亦不數無而易以瀟蒸二水考蒸水

出湖南衡州府附郭衡陽縣東北入湘水瀟水一名泥

城東之耶薑山至衡陽縣東北入湘水瀟水一名泥

江出湖南永州府甯遠縣南九疑山至永州附郭零

陵縣北十里之湘口關入湘水而胡渭不以朱子此

說爲然謂澧實會南江以注洞庭非上流自入江也

安得不數古無瀟水酈道元云瀟水清深也湘中記

曰湘川清照五六丈見下底石如榜蒲是納瀟湘之

名矣然則瀟湘猶言清湘非別有瀟源隋唐以孔甚

後始謂瀟水出九疑山北合湘水是曰瀟湘耳孔甚

殷正也九江水道甚得其正也案鄭康成曰殷猶多

其孔眾多言治之難也孔安國曰江於此州界分爲

九道甚得地勢之中孔疏曰傳以大江分而爲九酈

意九江各自別源下流合於大江孔鄭別解應劭注地志云江自潯陽分爲九道符於孔說又案鄭曰其孔眾多則誦孔爲孔竅之孔鄭於揚州三江曾有穿三孔之說亦別解也○案漢志九江

在廬江郡之尋陽縣案漢志尋陽下班氏自注禹貢九江在南皆東合爲大江尋

陽記九江之名一曰烏江二曰蟬江三曰烏白江四

曰嘉靡江五曰吹江六曰源江七曰廩江八曰提江

九曰簡江案陸德明釋文引尋陽地記與此同惟次

縣氏紅則云一日三里江二曰五州江條臻蟻三日

嘉靡江四曰烏土江五曰白蚌江六曰白烏江七日

箇江八曰沙提江九曰廩江參差隨水長短或百里

或五十里始於鄂陵終於江口會於桑落洲鄂陵今

湖北武昌府武昌縣西北六十里有崢嶸洲蘆洲楊

葉洲江入縣境播爲三江過中洲至雙柳夾又自崢

嶸洲過磧磯至大洲為三江口疑卽此處桑落今詳

洲在今九江府附郭德化縣東北五十里江中今詳

漢九江郡之尋陽案漢志尋陽縣隸廬江郡其九江郡無尋陽惟九江郡下注應劭曰

江自廬江尋陽分為九乃禹貢揚州之境而唐孔氏又以爲九

江之名起於近代未足爲據案楚考烈王自陳徙都壽春今安徽鳳陽府壽

州也秦滅楚以其都置九江郡兼有豫章廬江兩郡

之地尋陽九江在江北郡治亦在江北漢高帝更爲

淮南國尋陽屬焉文帝析爲廬江郡尋陽改屬廬江

武帝又改淮南國爲九江郡尋陽屬廬江如故故班

氏于尋陽曰禹貢九江在南應氏於九江郡曰江自

廬江尋陽分爲九也王莽改豫章郡曰九江郡柴桑

縣曰九江亭九江郡曰延平郡後漢復故故司馬彪

郡國志仍曰廬江郡尋陽縣南有九江也漢尋陽在

江北今湖北黃州府蘄州東潯水城一名蘭池城者

是也東晉成帝咸和中溫嶠移尋陽縣於江南則九

江在縣北矣今江西九江府德化縣西十五里乃晉之尋陽非漢尋陽也又程大昌曰隋以九江名尋陽第知以舊地舊名以名新郡不勝紊矣蓋隋之九江郡治卽今九江府非漢之治壽春者故唐孔氏謂九江之名起於近代而且九江派別取之耶亦必首尾宋程氏謂不勝紊也

短長大略均布然後可目之爲九然其一水之間當有一洲九江之間沙水相間乃爲十有七道而尋陽之地將無所容況沙洲出沒其勢不常果可以爲地理之定名乎設使派別爲九則當曰九江旣道不應曰孔殷於導江當曰播九江不應曰過九江反復參考則九江非尋陽明甚本朝胡氏以洞庭爲九江者

得之曾氏亦謂導江曰過九江至于東陵東陵今之
巴陵今巴陵之上卽洞庭也因九水所合遂名九江
故下文導水曰過九江經之例大水合小水謂之過
則洞庭之爲九江益以明矣案古以巴陵名東陵者
夷陵爲西陵故此爲東
陵也水經注曰江夏有西陵縣故是言東矣羅泌曰
巴陵與夷陵相對出爲東西夷陵今湖北宜昌府附
郭東湖
縣也

案孔鄭皆未言九江所在惟水經兩言在長沙下雋
而宋以前諸家皆以爲在尋陽者或謂經記九江於
江漢朝宗之後則當在江漢旣合之下游下雋則在

上游故知必是尋陽然經記沱潛雲夢更後於九江
然則潛沱雲夢應在廬江郡之東乎此必不通之論
也此外則據竹書紀年康王九年巡狩至九江廬山
史記河渠書子南登廬山觀禹疏九江又或據郭璞
江賦疏九派於尋陽漢志九江在尋陽南以爲確證
酈道元專宗班氏雖未明言水經之非而於贛水篇
則引劉歆說以湖漢九水爲九江湖漢九水詳揚州彭蠡既瀦下案語
於湘水篇則不及九江一言又漢志廬江郡班氏自
注曰金蘭西有東陵鄉酈注江水篇曰江夏有西陵

縣故是言東向書曰江水過九江至于東陵者也又
注淮水篇曰決水導源廬江金蘭縣西北東陵鄉大
蘇山指實東陵之在廬江則以桑欽之經爲非自見
水經禹貢山水澤地所在篇既云九江在下雋其下
又云東陵地在廬江金蘭縣西北不解何故自相矛
盾全祖望云此殆不學之人見行間脫爛從而妄補之是也然金蘭縣在今河南

光州固始縣之南湖北黃州府黃梅縣之北其東陵
鄉南去大江且六百里大江何能過之竊以爲九江
固不止一處猶三江之不止一處張頌元所圖郭璞
所賦自是廬江郡尋陽之九江康王所狩史遷所觀

自是豫章郡湖漢九水之九江

尋陽九江在大江北湖漢九水則在大

江之南近於廬山故知所巡所觀皆湖漢九水也

而此則自是長沙國下雋

之九江固無庸執此而廢彼也至以洞庭爲九江始

於山海經云洞庭之山帝之二女居之是常游於江

淵

句 澧沅之風交瀟湘之淵

畢沅校正曰瀟舊本作瀟非瀟湘一水名猶云

清湘說文瀟水清深也

是在九江之間

山海經中山經中次十二經篇中語

又許

慎曰九江卽洞庭

木顧祖禹讀史方輿紀要全祖望則謂是宋時曾攷之言非許慎之

言俟考

至宋胡旦乃暢其說而論定於朱文公之九江

辨近代胡渭趙一清主之他家仍多謂在尋陽強爲

之解而九江廬江二郡皆禹貢揚州之地不屬荊州
在所不計則好古之過也

九江有三輝敬九江考
卽云然茲非創論也

又案顧祖禹曰洞庭湖戰國時謂之五渚戰國策秦
破荊襲郢取洞庭五渚又蘇代曰乘夏水下漢四日
而至五渚五渚者沅澧瀘湘四水自南而入大江自
北而過洞庭瀘其間故謂之五渚沅澧瀘湘實洞庭
之上源山海經所謂沅澧之交瀘湘之淵夏秋水漲
方九百里者也韓非子又作五湖或謂之三湖三湖
者洞庭之南有青草湖湖在湖南岳州府治巴陵縣

城之南而稍西長沙府湘陰縣北百里周迴二百六十五里自冬至春青草彌望水溢則與洞庭混爲一洞庭之西則有赤沙湖湖在巴陵縣西百里在常德府龍陽縣東南三十里周迴一百七十里當夏秋水泛則與洞庭爲一涸時惟見赤沙彌望而洞庭周迴三百六十里南連青草西吞赤沙橫互七八百里謂之三湖又或謂之重湖重湖者一湖之內南名青草北名洞庭有沙洲閒之也洞庭湖中有君山亦名洞庭山

原注在岳州府西南十五里

在湖中心方六十里今道出湖

湘閭者必問津於洞庭洞庭吐納羣川而大江西來
橫互其口每歲六七月間岷峨雪消水暴漲自荆江
逆入洞庭清流爲之改色渡湖而南則由長沙而之
嶺海湖闊二百里渡湖而西則由常德而道滇黔湖
闊亦二百五十里渡湖而西北則入澧州而取逕於
荊州常德之間湖闊亦二百里誠荊州之巨浸矣齊
召南曰湖南岳州府西門城樓卽岳陽樓正對湖中
之君山府城東北七里坡之北湖與大江會南岸爲
岳州府臨湘縣西南之城陵司北岸爲湖北荊州府

監利縣東南之白螺司

沱潛既道

案史記潛作沱漢書作潛師古曰音潛

蔡傳爾雅曰水自江出爲沱自漢出爲潛凡水之出

於江漢者皆有此名此則荊州江漢之出者也今案

南郡枝江縣

案今湖北荊州府枝江縣

有沱水然其流入江而非

出於江也華容縣

案華容舊城在今湖北荊州府監利縣東五里

有夏水首

出於江尾入於沔亦謂之沱若潛水則未有見也

案此

傳自南郡枝江縣句下至未有見也皆錄尚書疏鄭康成語而稍易數字

案漢書地理志南郡枝江班氏自注江沱出西東入

江水經注江水篇江水又東逕上明城北

酈道元自注晉太元

中苻堅之寇荊州也刺史桓冲徙渡江南使劉波築

之移治此城其地夷敞北據大江云云上明故城在

今荊州府松滋

縣城東一里江沱枝分東入大江縣治洲上故以

枝江爲稱今荊州府枝江縣東北六十里有百里洲

縣境內有數十洲盛宏之荊州記自枝江西至上明
東及江津有九十九洲楚諺曰洲不及百故不出王
者桓玄乃增一洲以充百數僭號數旬宗滅身屠洲
亦消毀今上在西忽有一洲自生其後未幾龍飛江
漢矣顧炎武曰知錄云盛宏之所指今上則劉宋文
帝以宜都王卽位之事九十九洲以百里洲爲最
大王炎曰土人謂百里洲夾江沱二水之間其與江
分處謂之上沱與江合處謂之下沱寰宇記江自枝

江百里洲首派別南爲外江北爲內江湖渭謂古時

南江爲江之經流北江爲沱南江至公安縣西又東

南爲涪水王逸注楚辭九歌謂之涪陽江今荆州府公安縣西

南百里有涪陽鎮入澧州界今湖南澧州直隸爲四水口歷

州之東北又東南會澧水經華容縣南華容卽監利見前入

赤沙湖逕安鄉縣西而南入洞庭湖安鄉澧州之屬縣與北

江會卽禹導江東至于澧過九江至于東陵之道亦

卽寰宇記之外江也北江自枝江北又東逕松滋縣

北又東逕江陵縣南荆州府城又東逕公安縣北又東逕

石首縣北又東逕監利縣南夏水出焉公安石首監利皆屬荊州

府北江又東至巴陵縣西北巴陵湖南岳州府附郭之縣會洞庭

之水此北江之沱卽寰宇記之內江也其後北江漸

盛而南江日微世反以北爲江之經流而南爲沱說

者遂謂東至于澧不可解以澧水北去江二百餘里

故也至若鄭康成曰華容有夏水今荊州府公安縣東北有夏水華容

卽監利首出江尾入沔蓋此所謂沱云云蔣廷錫本水

經夏水篇立說曰夏水自荊州府江陵縣東南首受

江水曰中夏口在縣東南二十五里古謂之豫章口經監利縣沔陽州

界入漢水以其冬竭夏流故名夏水顧祖禹曰湖北漢陽府沔陽州南四十里長夏河卽夏水江之沱也說與鄭合而胡渭云此本沱水歧分而爲夏非出於大江鄭以爲沱者蓋北江久已大盛目爲岷江之經流因以其所出者爲沱耳蓋今之所謂岷江乃古之沱遂不知夏水係沱所歧分直以爲出於江之沱矣禹時無此沱不可從王鳴盛專宗鄭氏則以夏爲沱水趙一清亦主之與胡氏異又考漢志武都郿武都今甘肅階州直隸州班氏自注東漢水受氏道水一名沔過江夏謂之夏水入江徐文靖主之以爲夏

水卽是漢水而非沱水與各氏皆異案各說以胡氏

爲最精而諸儒究從鄭氏謂夏卽沱者居多茲竝存

備考潛水鄭曰潛則未聞王炎曰隋志南郡松滋縣

有潒

案松滋今爲荊州府屬縣今潒陽江則在荊州府公安縣

潒卽古潛字故史

記云沱潛旣道今松滋分爲潛江縣矣徐文靖主之

謂卽荊州之潛胡渭則曰松滋之潒乃大江分流首

尾皆與漢無涉安得因史記作潒而以此水當之潛

江縣在江北

案潛江縣今湖北安陸府之屬縣潛水在今縣城東一里古潛江縣城在今縣

城西四十里

本竟陵江陵二縣地亦非析松滋也竝誤

案

陵今荊州府附郭縣竟陵故縣城
在今湖北安陸府天門縣西南
案潛水康成所未
聞蔡氏所未見今人固不必強解亦從闕疑之義可
也

又案孔傳於梁州曰沱潛發源此州入荊州是以二
州之沱潛爲一也馬融曰沱湖也其中泉出而不流
者謂之潛是不依爾雅立說也皆非是

雲土夢作父

案史記作雲土夢爲治漢志作雲夢土作

談曰舊尚書禹貢云雲夢土作父

又沈括夢溪筆

本尚書作雲土夢作父

詔改禹貢從古本案沈括所

謂太宗者宋太宗也

後世多誤以爲唐太宗然改爲

雲土夢作父

實不始於宋孔穎達正義曰此澤亦有

單稱雲單稱夢經之土字在二字之間蓋史文兼上下也則是唐人已然又水經注河水篇亦作雲土夢作又則北魏時亦如此沈括所謂太宗得古本當是東晉之古文尙書所謂舊本蓋馬鄭本也陸氏釋文曰雲徐本作云夢亡弄反一音武仲反徐莫公反

蔡傳雲夢澤名周官職方荊州其澤數曰雲夢方八

九百里跨江南北華容案今湖北荊枝江府屬縣江

夏案湖北武昌安陸府屬縣皆其地也案蔣廷錫曰漢

書地理志南郡華容雲夢澤在南荊州案編縣有

雲夢宮水經注雲杜縣嶺峻離東北有雲夢城又

夏水東逕監利縣南縣土卑下澤多陂陂西有雲

陵之數杜預云枝江縣安陸縣陽湖有雲夢

蓋跨川互隰兼包勢廣矣元和志雲夢澤在雲夢縣
於驪鞍西七里又雲夢澤在安陸縣南五十里然則
東抵蘄州西抵枝江京山以南青草以北皆為古
之雲夢正義所謂雲夢一澤而每處有名者也
左

傳楚子濟江入於雲中又楚子以鄭伯田於江南之

夢台而言之則為一別而言之則二澤也案孔傳曰

在江南是以為一澤也胡渭主之史記索隱曰雲夢

本二澤人以其相近或合稱雲夢羅泌曰雲夢楚之

二澤也江南為夢江北為雲王鳴盛曰以今輿地言

之江北之荆門京山沔陽監利安陸漢陽黃岡麻城

蘄州古雲所在江南之枝江石首巴陵古夢

所在也皆與孔傳異未知孰是茲並存之
雲土者

雲之地土見而已夢作父者夢之地已可耕治也蓋

雲夢之澤地勢有高卑故水落有先後人工有早晚

也

案水經沔水篇沔水又東南過江夏雲杜縣東酈注

故邛亭

本漢志注引應劭曰

禹貢所謂雲土夢作又故縣取名

焉是以土杜二字通用也

詩自土漆沮齊詩作自杜蓋二字古本通用

今

考雲夢所在據水道提綱自枝江而東為松滋東南

為公安又東南為石首

各縣皆屬荊州府

為華容

即荊州之監利

濱

江南岸各數澤皆江南之夢皆首受江瀦為澤南入

洞庭北復入江其在江北者自荊州府江陵以東潛

江以南

潛江縣屬安陸府

監利以北及沔陽州

屬漢陽府

前後左

右大小十九湖皆首受漢水支津東南流至漢陽西

南境之沌口分流入江總曰沔水

案三國以前書傳多稱漢不言沔三

國以後多稱沔不言漢先儒遂謂漢沔為一然二水源流不同惟書疏引應劭曰沔水下尾與漢合乃入江為得其實沌口在漢陽府附郭漢陽縣西南四十里漢陽古安陸縣地東西地四百餘

里南北二百餘里蓋南之夢皆江水北之雲皆漢水

而北巨於南也又漢水東北岸自京山天門

兩縣皆屬安陸

府應城雲夢

兩縣皆屬德安府

孝感

屬漢陽府

東南至黃州府大

小七湖皆入漢水亦即古澤故謂雲夢跨江南北八

九百里也水道提綱所紀與古書傳皆合

又案雲夢在青草湖之北

青草湖洞庭湖之南邊也

青草湖一名

巴邱湖郭璞爾雅注雲夢今南郡華容縣巴邱湖是

也漢志華容下班氏自注作雲夢澤在南郭氏改爲

巴邱湖者蓋雲夢所兼者廣水漲時或連青草耳孫

星衍今古文疏直謂雲夢卽洞庭丁晏是之蓋丁氏

不以九江爲洞庭則洞庭安所置之自宜持此說耳

不可從

厥土惟塗泥厥田惟下中厥賦上下

蔡傳荊州之士與揚州同故田比揚只加一等

案林氏曰

地勢稍高故田而賦為第三等者地闊而人工修也

厥貢羽毛齒革惟金三品杞榘栝柏礪砥磬丹惟菌簠

栝三邦底貢厥名包匭菁茅厥篚玄纁璣組九江納錫

大龜

案毛漢書作旄杞釋文一作樛引考工記注禹貢

荆州貢樛栝柏栝說文作樛引夏書曰杞榘栝

柏礪漢書作厲砥古本作底菌簠栝徐廣曰一作箭

足杆杆即栝也說文引書作銘栝三邦漢書作三國

底貢史記作致貢篚漢書作斐納錫古本作內錫史

記作入賜書疏曰鄭玄以厥名二字下屬包匭菁

茅為

蔡傳荆之貢與揚州大抵多同然荆先言羽毛者漢

孔氏所謂善者為先也案職方氏揚州其利金錫荆

州其利丹銀齒革則荆揚所產不無優劣矣
杣栝柏

三木名也杣木以樗而可爲弓
杣栝木柏葉松身

傳曰杣栝也鄭玄曰杣栝栝栝栝栝四木名杣栝栝說文
杣或从熏作杣又云杣栝也左傳孟莊子斬其杣以
爲公琴徐鍇曰杣木中車轅又作椿蓋杣栝栝椿字
異而音義同一木也諸書言其材中琴轅中車棟
梁無言中弓者蔡氏誤也杣自是弓杣考工記弓人
取杣之道七栝爲上櫜次之櫜桑次之櫜次之木爪
次之荆次之竹爲下杣雖不必如鄭說
專屬於栝而與杣要是二物栝卽櫜也

砥以細密爲名礪以麤礪爲稱
砮者中矢鏃之用肅

慎氏貢石砮者是也丹丹砂也
案漢書司馬相如傳

其石則礪砮玄礪張揖曰玄厲黑石可用磨也是礪
砥荆產也肅慎氏貢石砮見國語肅慎卽女真今與

京之地蘇子瞻石磬記子自儋耳北歸江上得古箭鏃梨鋒而劍脊其廉可剗其質則石此卽所謂栝矢石磬則磬亦荆產也今箇輅竹名栝木名皆可以爲丹砂出湖南辰州府

矢董安于之治晉陽也公宮之垣皆以荻蒿苦楚廩之其高丈餘趙襄子發而試之其堅則箇輅不能過也則箇輅蓋竹之堅者其材中矢之筈栝肅慎氏貢栝矢者是也三邦未詳其地底致也致貢箇輅栝之

有名者也

案鄭玄曰箇輅聆風也竹有二名或大小異焉此州中生聆風與栝者眾多三國致

之儻輅賦考工記曰燕之角荆之幹娵胡之筈此材之美者也注曰荆荆州也幹柘也娵胡地名也正義曰娵胡在楚旁三邦底貢厥名其物特有美名天下稱善也今考三邦蔡氏未詳但舉一娵胡恐未足當

之而夏之芳謂三邦大國次匭匣也菁茅有刺而三

國小國也則不知其何據脊所以供祭祀縮酒之用既包而又匣之所以示敬

也齊桓公責楚貢包茅不入王祭不供無以縮酒又

管子云江淮之間一茅而三脊名曰菁茅菁茅一物

也孔氏謂菁以爲菹者非是今辰州麻陽縣苞茅山

出苞茅有刺而三脊案孔傳包橘柚匭匣也菁以爲

所包之物匭則以貯菁與茅也菁以爲菹者正義曰

周禮醢人有菁菹鹿醢鄭康成則以包匭爲一事菁

茅爲一物是也郊特牲云縮酒用茅明酌也特令此

州貢茅茅當異於他處蔡氏謂辰州麻陽縣包茅山

考括地志辰州盧溪縣西南三百五十里有包茅山

木菁茅也以禹貢包而匭之故曰包茅山又考水經

[illegible]

守龜非可常得故不爲常貢若偶得之則使之納錫

於上謂之納錫者下與上之辭重其事也

案湖北黃州府黃梅

縣東南三十里源感湖上源諸水皆流注於此禹貢九江納錫大龜世傳此湖所出此以尋陽九江爲荊州之九江故有源感湖出大龜之說若以洞庭爲九江則去黃梅甚遠矣

浮于江沱潛漢逾于洛至于南河

案史記作潯于漢漢書作瀟逾史記作踰

洛古本作瀟

蔡傳江沱潛漢其水道之出入不可詳而大勢則自江沱而入潛漢也逾越也漢與洛不通故舍舟而陸以達於洛自洛而至于南河也程氏曰不逕浮江漢

兼用沱潛者隨其貢物所出之便或由經流或循枝

派期於便事而已

案漢水北距洛水約六七百里

案孔安國曰河在冀州南胡渭曰江北之地可徑浮潛漢而江南則必由江沱以入潛漢江沱潛或由或否漢則其必由者也徐文靖曰荊州貢道從襄陽北渡漢登陸

案此則今日樊城往河南之陸路

至南陽城南浮洛故曰

逾於洛也自洛至鞏縣入河

南陽河南南陽府鞏縣屬河南河南府

禹貢易知編卷七

丹徒李慎儒鴻軒氏輯

男

壽

懋

校字

塤曹用霖全校

荆河惟豫州

蔡傳豫州之域西南至南條荆山北距大河

案臨沮之荆山

荆山見前
荆州注

其陰爲豫州其陽爲荆州

孔安國言西南至荆山蔡氏從之非也當言南至荆

山不當云西南也徐文靖曰金史地理志豫州南陽

縣有豫山或豫州取名以此

豫山在今河南南陽府
附郭南陽縣東北十五

禹貢易知編

卷七

豫州

里豫山孤峰峭
立俗名獨山

又案豫州爲太皞祝融之墟及帝嚳成湯所都虞舜

後卽少康所
奔之有虞

戈邳封葛三醜諸國皆在焉春秋時可

考者管蔡郕曹鄭東虢西虢凡蔣祭祀宋焦申許蓼

密隨厲唐戴沈息房滑鄆郛穀鄧賴項頓胡江黃道

柏州來絞蠻陸渾凡四十一國戰國時屬宋魏韓而

秦楚二國亦兼得其地今河南之河南開封歸德南

陽汝甯陳州六府許汝陝三州懷慶府之原武陽武

衛輝府之封邱考城直隸大名府之東明長垣山東

曹州府之菏澤定陶曹縣城武單縣安徽潁州府之
阜陽潁上太和亳州蒙城湖北襄陽府之襄陽光化
宜城棗陽穀城均州鄖陽府之鄖陽保康及鄖西縣
之東境德安府隨州之北境皆古豫州域也

伊洛瀍澗既入于河

案淮南子本經訓瀍作塵

蔡傳伊水山海經曰熊耳之山伊水出焉東北至洛

陽縣南北入於洛

案洛陽今河南河南府附郭縣

郭璞云熊耳在上

洛縣南今商州上洛縣也

案宋之上洛縣今陝西商州直隸州熊耳山在州西

五十里地志言伊水出弘農盧氏之熊耳者非是

案盧氏今

河南陝州直隸州之屬縣縣之西南五十里有熊耳
山考山海經中山經篇募渠之山伊水出焉而東流
注於洛郭璞注今伊水出上洛盧氏縣熊耳山東北
至河南洛陽縣入洛經文郭注如此郭所謂上洛盧
氏者今河南陝州盧氏縣漢時與上雒縣俱屬弘農
郡歸僕隸晉升上雒縣為上雒郡而盧氏屬之也蔡
氏改竄經注而又據所改之注以駁漢志繆甚水經
洛水篇云伊水出南陽縣西募渠山南陽縣南子曰
顧氏魏山志曰熊耳山即麓大伊水出陵巒互別耳然則
上魏山地志曰熊耳山即麓大伊水出陵巒互別耳然則
募渠熊耳一山也齊召南曰伊水出盧氏縣東南百
六十里之東蠻山即熊耳山支阜亦名悶頓嶺東北
至偃師縣城南入洛經驪山南水經注伊水又北入
伊闕昔大禹疏以通水兩山相對望之若闕伊水慙
其間北流故謂之伊闕矣在今河南府附郭洛陽縣
西南三十里一名闕塞山亦曰闕口山亦口鍾山亦
曰龍門山又曰龍門龕為汝潁北出必由之道至今
稱爲扼要是乃禹迹而禹貢未載漢書溝洫志賈讓

奏昔大禹治水山陵當路者毀之故鑿龍門辟伊闕
析底柱破碣石是也又考熊耳蓋不止一處括地志
於盧氏熊耳外又有熊耳山在河南宜陽縣西山在
洛水之北宜陽縣西又有熊耳山在河南宜陽縣西山在
光武帝破赤眉樊崇積甲仗與熊耳平即是山也盧氏
氏熊耳在洛南北此在洛北是別一熊耳矣荆州記順
陽益陽二縣東北有熊耳山灋陽縣北
熊耳山狀因以名山齊桓公太
史公登之或云弘農熊耳者非也縣志
燈縣盧氏熊耳蓋山甚廣大綿互今河南
盧氏之熊耳縣及陝西商州兩境也
陝州之盧氏縣及陝西商州兩境也
出弘農郡上洛縣案漢志作上洛誤豕領山水經謂

之謹舉山今商州洛南縣豕領山也案宋之洛南縣
隸州所屬之雒南縣本漢
弘農郡上雒縣境內地
至鞏縣入河今河南府鞏

縣也案今與宋制同洛入河在鞏縣東北豕領山在今陝西商州直隸州南六十里洛水所出山海

經中山經謹舉之山洛水出焉水經洛水篇洛水出

京兆上洛縣謹舉山漢志弘農郡上雒氏自注禹

貢維水出豕領山東北至鞏入河熊耳獲輿山在東

北畢沅山海經校正曰今方志云豕領即謹舉山也

山在今商州西北一百二十里入維南縣界或云即

地理志獲輿山字形相似沅案漢上維今維南縣獲

輿山在東北而洛水所出謹舉山則在西北不得為

一山明矣洛之入河漢志謂在鞏縣今則在開封府

汜水縣蓋灋水地志云出河南穀城縣替亭北案漢

徙而東矣灋水地志云出河南穀城縣替亭北案漢

南郡穀城班氏自注禹貢灋水出替亭北東南入維

師古曰即今新安縣移穀城替音潛蔡氏引之作替

亭誤也方輿紀要今河南河南府附郭洛陽縣西北

入十里為古穀城縣治洛陽縣西北五十里有穀城

山東連同府之孟津縣界舊名替亭山紡鹽今河南

縣替亭與漢志異灋水所出至縣東入洛

縣替亭與漢志異灋水所出至縣東入洛

府河南縣西北有古穀城縣其北山實瀾水所出也

至偃師入洛今河南府偃師縣也

案偃師今亦屬河南府在府城東七

十里與洛陽縣東西連界故瀾之入洛今則在洛陽東古謂在偃師澗水地志云出弘

農郡新安縣東南入於洛新安在今河南府新安瀾

池之間今澠池縣東二十三里新安城是也城東北

有白石山卽澗水所出酈道元云世謂之廣陽山然

則澗水出今之澠池至新安入洛也

案水經注世謂是山曰廣陽山

句下又云水曰赤岸水亦曰石子澗今廣陽山在河南府澠池縣東北三十里一名澠池山新安縣今亦屬河南府然澗水實合河南府永甯縣北六十里三

崱山東馬頭山穀陽谷所出之穀水以至新安自澗

既合穀之後則但名穀不名澗矣今入洛之處則東徙洛陽縣之西不在新安縣南但流經其南而已

伊瀍澗水入於洛而洛水入於河此言伊洛瀍澗入

於河若四水不相合而各入河者猶漢入江江入海

而荊州言江漢朝宗于海意同蓋四水并流小大相

敵故也案徐文靖曰埤傳云鄒季友曰伊水在洛南之東瀍澗在洛南之西洛為大伊次之瀍澗

水小經言伊洛瀍澗蓋自東南而西北非小大相敵之謂詳見下文

案孔傳曰伊出陸渾山案今河南河南府嵩縣東北四十里有陸渾山古陸渾縣

以山得名此山又名方山乃洛出上洛山案當云上

伊水所經非伊水所出也此太澗出澠池山瀍出河南北山案此亦前人多謂

略

孔傳魏晉間人偽作非出安國手不可從是也

又案周書洛誥周公曰我乃卜澗水東瀍水西惟洛

食謂王城也

即郊邑

我又卜瀍水東亦惟洛食謂下都

也

即成周

東周都王城漢爲河南郡之河南縣其故城

在今河南府洛陽縣西北九里

即周公所城之洛邑也亦即郊廓又稱東

都平王自西周徙都此春秋謂之王城

下都漢爲洛陽縣河南郡治其

故城在今洛陽縣東北

周時又稱成周敬王自王城徙都此東漢都此爲河南尹

治魏晉及元

二城東西相去四十里而今洛陽縣居

其中

隋大業初營新都於今洛陽縣而舊之洛陽古河南二縣并移城內金又省河南入洛陽

時澗水經河南故城西而南入洛澧水經河南故城

東而南入洛二水各自入洛故澗水東澧水西爲王

城而澧水東爲下都洛誥之文甚明也自周靈王二

十二年穀洛鬪

穀水卽澗水水經注澗水南流注於穀舊與穀水亂流同南入於洛今穀

水東入千金渠澗水與之俱東入洛矣此將毀王宮下凡言穀處皆兼澗水不一一加注矣

王欲壅之太子晉諫不聽卒壅之

見國語

於是使穀水

東出於王城之北

北魏時遺堰三隄尙存見水經注穀水條

則其勢必入

於澧於是澗澧合流皆歷王城之東以南注於洛而

所謂澗水東澧水西者已非禹貢之舊矣然周靈王

時廛澗二水猶未經洛陽也

此洛陽指東漢河南尹治今洛陽縣東北之洛

陽故城

迨東漢建都於此乃自河南縣東十五里之千

金竭

千金竭在今洛陽縣北謂之東者以漢故城言之在今洛陽縣北九里也水經注河南縣城東

十五里千金竭舊堰穀水魏時更修

為竭而開溝渠五所謂之五龍渠

魏時更修

也水經注所謂王張故績見下注

以通漕廛乃與穀水俱東逕洛陽城南

後漢書王梁傳建武五年

為河南尹穿渠引穀水注洛陽城東寫鞏川張純傳

建武二十四年為大司空穿陽渠引洛水為漕水經

注穀水東至千金竭五龍渠東出陽渠漢司空漁陽

王梁之為河南也將引穀水以既京都渠成而水不

流故以坐免後張純堰洛以通漕洛中公私

穰贍是渠今引穀水

又非周

靈王時之舊矣

水經注於瀍澗二水皆歷序其東至千金渠渠之上則禹貢舊道渠之下

東漢改道也

鉢鞬隄闢鉢鞬經干穀水自發源及合澗之處皆禹貢舊道至東過河南縣北云云則周靈

王壅穀入瀍之道自敘東至干

金竭以下則東漢後改道也

自曹魏大營宮殿分

引支流灌注苑囿晉代川谷漸移元魏遷都更加營

治隋大業元年改建東都并河南洛陽而一之大變

成周之轍

隋東都城即今河南府附郭洛陽縣城視周敬王至元魏孝文帝所都故洛陽城西

移十而通濟之渠復起

隋書大業元年開通濟渠自西苑引穀洛水達河自板渚

八里而通濟之渠復起

隋書大業元年開通濟渠自西苑引穀洛水達河自板渚

引河通淮板渚在關東

於時以穀洛二水周匝都城

為急故復引穀南流會洛從城西繞城而南以達城

東經偃師縣鞏縣而注洛口更非東漢千金竭之舊
矣經此三變而禹貢舊道幾不可知賴洛誥數語存
其大略而已

榮波既豬

案史記作榮播既都馬鄭木波皆作播又案

傳閔二年及狄人戰於榮澤宣十二年及榮澤見六
麋爾雅注圃田在榮陽釋文曰或作榮非玉篇榮部
榮云亦榮陽縣漢韓勅後碑劉寬碑陰鄭烈碑榮陽
皆从火隋書王劭傳上表言符命曰榮字三火明火
德之盛也無一
从水作榮者

蔡傳榮波二水名濟水自今孟州溫縣入河

案孟州今爲孟

縣與溫縣皆屬河南懷慶府濟
入黃處在今溫縣南二十里

潛行絕河南溢爲榮

在今鄭州滎澤縣西五里敖倉東南敖倉者古之敖

山也

案滎澤縣今屬河南開封府鄭州爲散州案今亦屬開封府敖山在今滎澤縣西二十里

濟水但入河不復過河之南滎瀆水受河水有石門

謂之滎口石門也

今名石門渠在滎澤縣西二十里

鄭康成謂滎今

塞爲平地滎陽民猶謂其處爲滎澤

案滎陽縣今屬開封府滎澤在

滎澤縣南三里古城村

酈道元謂禹塞淫水於滎陽下引河東

南以通淮泗濟水分河東南流漢明帝使王景卽滎

水故瀆東注浚儀

案今河南開封府附郭祥符縣西北爲古浚儀廢縣又案後漢書明

帝紀將作謁者王吳修汴渠徐文靖據之駁蔡氏謂王景爲誤然水經河水篇酈注漢明帝永平十二年

議治汴渠上乃引樂浪人王景問理水形便詔景與將作謁者王吳共築隄防修竭明年渠成景由是顯名王吳及諸從事者皆增秩一等蔡氏固未嘗誤也

縣有狼蕩渠首受濟者是也

漢志班氏自注卞水馮池皆在西南有狼蕩渠

首受沛東南至陳入潁過郡四行七百八十里師古曰湯音宕沛本濟水字

南曰狼蕩北

曰浚儀其實一也

案與陰溝鴻溝汴水亦實一也

波水周職方豫州

其川滎雒其浸波澁爾雅云水自洛出爲波山海經云婁涿之山波水出其陰北流注於穀二說不同未詳孰是孔氏以滎波爲一水者非也

案孔傳滎澤波水已成遏豬疏曰此澤水大動成波

浪其時波水已成遏豬不濫溢也是以滎波卽滎澤之波非二水也漢地志總序師古注曰滎沔水決出所爲也卽今滎澤是也波亦水名言其水并已遏聚矣一說謂滎水之波師古意主於以滎波爲二水宋林之奇從之并引職方爾雅爲證而蔡氏因之考波字馬鄭皆作播史記索隱亦曰今文并云滎播周禮職方氏其浸波漒鄭康成注波讀爲播引禹貢滎播旣都水經注引闕駟曰滎播澤名又引呂忱曰播水在滎陽然則滎播卽滎澤是一水無疑孔傳本魏晉

閭人僞作改播爲波說者乃據爾雅洛出爲波之語
分榮波爲二然榮爲濟之枝流波爲洛之枝流兩不
相蒙而忽合言之書法不亦參雜乎山海經婁涿之
山云云舊本波作陂郭璞曰世謂之百苔水見中山經中次
六水經注穀水條引山海經作波曰澗水注於穀穀
水又東波水注之世謂之百苔水北流注於穀是山
海經所云之波水出於山入於穀與洛出爲波之波
無涉又水經洛水篇洛水又東門水出焉爾雅所謂
洛出爲波也閻若璩曰予考門水下流爲鴻關水今

謂之洪門堰在商州洛南縣東北

案商州今爲陝西直隸州至靈

寶縣入河

案靈寶河南陝州直隸州屬縣門水在縣西十里洪門卽鴻關在縣南四十里門水

東北歷峽謂之鴻關

何嘗豬爲澤乎胡渭曰職方豫

水水東有城西有堡

案魯山縣今河南汝州直隸州屬縣波水在縣西源出歇馬嶺下流

州之波出魯山縣

入汝亦與洛出鄭注謂卽漿播固非而洛南之波水

爲波之波無涉則與漿澤相距五六百里中隔大山總撮而言漿波

既豬經無此書法也

說文潘水名在河南滎陽潘當卽播字所譌益見漿波之當爲

漿播

當以漿波爲漿澤一水爲是

又案漿澤在河之南鄭康成云魯閔公二年衛侯及

狄人戰於滎澤此其地也則大非狄戰處在河北當別是一滎澤鄭謂卽禹貢之滎波地形不相合也杜預謂滎澤跨河南北則導水何云入于河溢爲滎耶惟宣公十二年楚潘黨逐晉魏錡及於滎澤此則在河南卽經之滎波矣

導荷澤被孟豬

案史記漢書皆作荷澤左傳爾雅作孟豬漢志總序作盟豬梁國唯陽下作盟

諸史記作明都周禮作望諸

蔡傳荷澤地志在濟陰郡定陶縣東

案今山東曹州府治荷澤縣東

南五十里爲定陶縣荷澤則在今荷澤縣東南三十里接定陶界

其地有荷山故名

其澤為荷澤也

案蒗山在今曹州府城東三十里山以澤得名非澤以山得名也詳導流

水案語

蓋濟水所經水經謂南濟

案水經注濟水自

蔡氏誤

北二濟南濟在南水經謂之滎濟東流過定陶匯為

荷澤其下流入於泗而委於淮北濟在北水經謂之

濟瀆東流過雷澤合濮水至乘氏縣縣北水經謂之

酈分爲二支一支往東北合汶而入海即後世之大

清河一支南注荷澤而與南濟相通禹時滎澤以東

無水道伏流地下至定陶而復出東為荷澤至乘氏

分爲二北合汶南通泗徐州貢東過宛句縣南漢志

道所以云浮于淮泗達于荷也

注句音劬宛句故城在今又東過定陶縣南又東北

曹州府城西南四十里

荷水出焉是也被及也孟豬爾雅作孟諸地志在梁

國睢陽縣東北

案睢陽今商邱縣今南京虞城縣案

河南歸德府治也

之南京今之河南歸德府西北孟諸澤是也曾氏曰

被覆也荷水衍溢導其餘波入於孟豬不常入也故

曰被

案荷澤漢志謂山陽郡湖陵縣河水在南

河荷之訛也詳見徐

州浮于淮泗湖陵故城在今魚臺縣東南六十里

魚臺

屬山東沛縣西北五十里

沛縣屬江蘇徐州府

交界處上距定

陶之荷澤約三百里距睢陽之孟豬幾五百里荷之

餘波何能被之蓋在湖陵者荷之流也在定陶者荷

之本澤也

漢志湖陵下曰浮于淮泗達于河水在南說文荷澤水在山陽湖陵水經濟水東過

方輿縣北爲荷水注荷濟別名也三說荷字下皆有
水字故知在湖陵者其流在定陶者其澤也漢方輿
縣卽今魚臺縣地其流則東合泗以注淮其澤則在
湖陵亦魚臺縣地定陶之東距睢陽東北之孟豬僅一百四十里今孟豬已
堙方輿紀要謂在二澤本有相通之道故禹疏之以
歸德府城東北殺濟瀆之勢也

又案夏官職方曰青州澤藪曰望諸鄭注望諸明都
也職方屬青而此經屬豫者周無徐并徐於青青在
豫宋故得兼有孟豬也寰宇記虞城孟諸澤俗呼爲
湄臺蓋澤中有臺也今虞城縣西北十里有孟諸臺

接商邱縣界卽此爾雅水草交曰麋麋古涓字臺蓋

以孟諸之麋得名也

左傳僖公十八年楚子玉夢河神賜以孟諸之麋漢書

梁孝王傳築東苑方三百里則孟豬當包入苑中大
治宮室澤形盡失故水經注雖水篇於睢陽故城絕
不言及孟豬而敘臺池甚詳蓋澤之畔岸蕩夷無存
久矣元和志云周迴五十里彷彿言之耳迨元至元
二十三年歸德府城屢被黃河衝決孟豬舊迹更不
可問矣

厥土惟壤下土墳壚

蔡傳土不言色者其色雜也壚疏也顏氏曰玄而疏

者謂之壚

案馬融曰豫州地青不知何說也

其土有高下之不同故

別言之

案王炎曰壤則沃墳壚則瘠

厥田惟中上厥賦錯上中

案錯史記作雜

蔡傳田第四等賦第二等雜出第一等也

案鄭曉曰錯字在上

者高一等在下者低一等觀冀州及此可見皆在本品之中若出本品則變文如揚州也

厥貢漆枲紕紵厥篚織纊錫貢磬錯

案史記作其篚織紕漢書作棐織纊

蔡傳林氏曰周官載師漆林之征二十有五周以為

征而此乃貢者蓋豫州在周為畿內故載師掌其征

而不制貢禹時豫在畿外故有貢也推此義則冀州

不言貢者可知

案周禮職方氏豫州其利漆案史記貨殖傳陳夏干畝漆陳今河南陳州

府夏謂陽夏今陳州顏師古曰織紵以爲布及練然

府太康縣皆豫州地

經但言貢泉與紵成布與未成布不可詳也

疏紵亦麻也宿根在地中至春自生不歲種也今南

越紵布皆用此麻胡渭曰葛成布有絺紵之名紵成

布無他名仍謂之紵而已紵在絺下則亦布也徐文

靖則以爲是未成者其說亦通又宋傳寅再貢說斷

引顏師古之言及練作及練說文練布屬从糸束聲

唐韻在魚部音所茹切韻會云練紵屬後漢補衡著

練巾今漢書注作練而文苑傳

又作疎皆字之誤當從傳氏

續細綿也
案孔傳續
曰纖磬錯治磬之錯也非所常用之物故非常貢必

禹貢易知編卷八

男壽熾校字

丹徒李慎儒鴻軒氏輯

堦曹用霖全校

華陽黑水惟梁州

梁州地名爲四川者以泯瀘維巴四大川也南宋乃分爲益梓利夔四路

蔡傳梁州之境東距華山之南西據黑水華山卽太

華見導山黑水見導水

案太華山在陝西同州府華陰縣南十里東八十里連華

州

跡同少華山太華卽西岳山海經太華之山削

成而四方高五千仞廣十里遠而望之若華然故曰

華山今考其峰之最著者爲蓮花諸峰洞之最著者

爲碧雲諸洞谷之最著者爲牛心諸谷又水經注云

華岳有三峰謂芙蓉明星玉女三峰也華山

層巖複嶺與終南相環帶信天設之險矣

案疏曰周禮職方氏豫州其山鎮曰華山在豫州界內此梁州之境東據華山之南不得其山故言陽此山之西雍州境也梁雍二州西界之黑水並導水之黑水各有源流本非一水孔傳於導水下曰黑水自北而南經三危過梁州入南海於是合三爲一後儒傳會強爲之解終不能通王鳴盛乃謂要之三黑水是一漢志益州滇池縣有黑水祠續漢志同但言有祠不言水所在則已茫昧久矣闕疑可也說亦有理今始存之其三黑水源流詳後導黑水下案語

又案梁州爲蜀山氏蠻叢氏之國立器昌意之所封

史記黃帝之子玄囂降居江水昌意降居若水案隱

曰江水若水皆在蜀卽所封國也點林辯議導殷周

兩朝皆無梁州蓋夏以前帝胄所封梁自在九州數

內夏以後則皆淪爲夷地故牧誓於諸侯來會者稱

之曰友邦冢君而庸蜀羌髳微盧彭濮八國則第稱

之曰人不以諸侯待之正義曰此皆西南夷也蓋殷

周兩朝以夏梁州地分隸於雍豫荆三州如唐宋羈

縻州之例而已顧古謂蜀通中國始於秦之鑿山開

道則不然岷嶓沱潛蔡蒙和夷皆在蜀中皆禹迹所

至前有玄囂等之分封而周有庸蜀等之來會曷嘗

至秦始通哉言秦所開通者或但指金牛一道耳按

醴醕致蜀之假通船牖之補熾鮑鰕晒黠帥鋪牻

鹹州之北於大壩山又東牧誓所稱庸蜀羌髳微盧

緄險計驪駒之是劍劍黜

彭濮皆在焉春秋時可考者庸巴濮麋貳凡五國戰

國時屬秦而楚亦兼得其地今陝西漢中興安二府
商州一州甘肅階州及秦州之徽縣兩當二縣湖北
鄖陽府之房縣竹山竹溪二縣及鄖西縣之西境四
川成都保寧順慶龍安潼川嘉定雅州七府資綿茂
眉邛五州敘永雷波二廳綏定府之渠縣大竹二縣
及敘州重慶夔州三府忠瀘二州之江北各州縣皆
梁州之域也

岷嶓既藝

案史記岷作汶藝作藝陸氏釋文
嶓音波韋音播嶓古又作番

蔡傳岷嶓二山名岷山地志在蜀郡湔氐道西徼外

江水所出也

案班氏原文蜀郡湔氏道注禹貢潛山

過郡七行二千六百六十里今考大江自源至海不

下萬里所云二千餘里者必傳寫之誤成蓉鏡曰徐

錯說文繫傳引作過郡九行七千六百六十里宋本

漢志同當據以正今本之誤九郡者蜀郡犍爲巴郡

南郡長沙江夏廬江丹陽廣陵也孔穎達書疏及漢

書百官公卿表皆曰漢制縣有羌夷曰道湔氏蓋羌

夷雜處故曰道也漢之湔氏道爲今四川松潘廳在

成都府西北七百五十里岷山又在廳西北二百二

十里山有大分水嶺卽古羊膊嶺牂牁嶺見江源所

出距廳尙遠故班氏謂在湔氏道西徼外也江自大

分水嶺至成都凡九百九十里水尙小自成都東流

一千五百里至瀘州以東嘉陵江涪江巴江等水合

而江之

勢始大

晁氏曰蜀以山近江源者通爲岷山連峰接

岫重疊險阻不詳遠近青城天彭諸山之所環繞皆

過郡四行二千七百六十里又武都郡武都注東漢水受氏道水一名沔過江夏謂之夏水入江然則出於氏道過武都而爲漢至江夏而入江者是禹貢導漾之漢班氏謂之東漢者以別於西縣之西漢也其西縣之西漢水鄭康成謂是梁州沱潛旣道之潛漢隴西郡治在今甘肅蘭州府狄道縣西縣在今甘肅秦州西南一百二十里氏道縣在今秦州清水縣西南班氏於氏道不言蟠冢但於西縣言之遂啟後世之疑謂班氏誤指西縣有蟠冢其實蟠冢本有二一在陝西漢中府寧羌州北九十里東漢水所出一在甘肅秦州西南六十里西漢水所出二山南北相去三四百里而支派隱然聯屬元和郡縣志所謂隴東之山皆蟠冢是也又漢志武都郡沮縣沮水出東狼谷沮亦東漢水之別源沮縣今陝西漢中府略陽縣東狼谷顧祖禹謂是蟠冢之異川原旣滌水去不滯名則蟠冢山之廣大可知矣而無泛溢之患其山已可種藝矣

沱潛既道

案潛史記作涪漢書作潛

蔡傳此江漢別流之在梁州者沱水地志蜀郡郫縣

江沱在東西入大江

案漢志原文作江沱在西東入大江蔡氏引之西東二字顛倒

誤也郫縣今四

川成都府屬縣又地志云蜀郡汶江縣江沱在西南

東入江

案汶江縣在今四

川茂州北五十里潛水地志云巴郡宕渠縣

潛水西南入江

案宕渠今四川

郾道元謂宕渠縣有

大穴潛水入焉通置山下西南潛出南入於江

案郭璞

雅音義曰有水從漢沔陽縣

漢沔陽縣在今陝西漢中府沔陽縣今在四川

南流至梓潼漢壽

梓潼縣今在四川

故城在今四川

保寧府昭化縣東南入大穴中通崗

山下西南潛出又蜀都賦注潛水從犍爲郡江陽縣

今謂剛駁州南流至漢嘉縣漢嘉縣今屬四川入大穴中通
謂山下西南潛出今名復出水復水今屬四川
縣岷山縣今屬四川入大穴中通
是大穴在漢壽不在宕渠也漢壽今屬四川
又晉改漢壽曰晉壽漢壽今屬四川
又晉改漢壽曰晉壽漢壽今屬四川
南源取巴西又地志漢中郡安陽縣潛谷水出西南
是西漢水也

入漢潛音潛案漢志原文作潛谷水出西南北入漢
案漢志原文作潛音潛字亦或從水漢安陽縣在今陝

西漢中府城固縣東連洋縣境○又案梁州乃江漢之原此不志者

岷之藝導江也嶓之藝導漾也道沱則江悉矣道潛

則漢悉矣上志岷嶓下志沱潛江漢源流於此而見

案吳澄之說與蔡氏同

案鄭康成曰二水亦謂自江漢出者

案以荊州有沱潛故曰亦謂

地理志在今蜀郫縣汶江及漢中安陽

案漢書地理志漢中郡安

陽注 郫谷水出西南北入漢漢

皆有沱水其尾入江

漢耳首不於此出江原

案漢書地理志蜀郡江原注

應劭曰 郫音壽漢江原縣在今四川成都府崇慶州

南十里武陽在今四川眉州彭山縣東北十五里

有郫江首出江南至犍爲武陽又入江豈沱之類與

案漢隴西郡西縣嶓冢山

案與讀 潛蓋漢西出嶓冢

西漢水所出詳見岷嶓既

如歟 東至巴郡江州入江

案漢巴郡之江州今四行

案語 二千七百六十里

以上見正義所引

又曰漢別爲潛其穴本

小水積成澤流與漢合大禹自廣漢疏通卽爲西漢

水也故書曰沱潛旣道

以上見水經注潛水篇所引

考古之言沱

者皆主郫江

今四川成都府郫縣南之內江卽古郫江也

康成乃疑是鄰

江其以西漢水爲潛且言其穴本小則與郭璞爾雅

音義所說同

今四川保寧府廣元縣東北八十里有龍門洞水入洞復出卽禹時之潛亦曰

漾亦曰沔漢世謂之西漢水又謂之墊江今日則曰嘉陵江雖發源不一支派各歧而會爲一則皆卽潛

也

康成東漢大儒學有師承必可依據後之持異議

者概不可信

孫星衍以玉輪江爲沱非是胡渭以爲夷水爲荆梁二州之沱可備一解詳導

江東別爲沱
蔡傳下案語

又案孔傳曰沱潛發源此州入荆是合荆梁二州之
沱潛爲一也非是陸深曰今蜀山棉連延互凡居左
者皆曰岷右者皆曰嶓江別流而復合者皆曰沱漢
別流而復合者皆曰潛

蔡蒙旅平

蔡傳蔡蒙二山名輿地記在今雅州嚴道縣

案古之嚴道縣

今四川雅州府附郭雅安縣也縣南五里有嚴道山古遂以山名縣蔡山古無考宋葉少蘊以縣東五里之周公
山當之案蒙山地志蜀郡青衣縣今雅州名山縣也
雅州府城南有蒙山盤跨邛州直隸州
及雅州府屬之雅安蘆山名山三縣地
鄧道元謂山

上合下開沫水

案沫字从末不从未逕其間溷崖水脈漂疾歷

代爲患蜀郡太守李冰發卒鑿平溷崖則此二山在

禹爲用功多也

案漢書地理志蜀郡青衣注禹貢蒙

谿卽青衣水大渡水卽沫水也水經青衣水出青衣

縣西蒙山東與沫水合又沫水出廣柔徼外嶺贛縣

岷縣岷縣東南逕旄牛縣北岷水出岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

岷縣岷縣岷縣岷縣岷縣岷縣岷縣岷縣岷縣岷縣

平者治功畢而旅祭也

案孔傳曰蔡蒙二山名史記集解引鄭康成曰蔡蒙

在漢嘉縣

前漢志注應劭曰青衣順帝更名漢嘉也

班志有蒙山無蔡山

後漢郡國志蜀郡漢嘉縣亦有蒙山無蔡山孔穎達

正義司馬貞史記索隱於蔡山並云不知所在至隋

唐書地志元和郡縣志通典寰宇記九域志皆不言

嚴道縣有蔡山玩鄭康成之語則蔡蒙二字爲一山

之名可知至宋政和中

徽宗時

歐陽忞著輿地廣記乃

言蔡山在雅州嚴道縣同時葉少蘊傳禹貢直謂縣

東五里周公山爲蔡山蓋皆傳會孔傳蔡蒙二山名

而蔡氏沿其誤耳至顏師古注漢志總序謂蔡蒙二

水名則其誤更不待辨

胡渭疑岷眉爲蔡山亦未可信也

又案陳大猷曰古人舉事必祭況治水土大事必不敢忽然旅獨於梁雍言之者蓋九州終於梁雍以見前諸州名山皆有祭也旅獨於蔡蒙荆岐言之者蓋紀梁之山終於蔡蒙紀雍之山始於荆岐以見州內諸名山皆有祭也故下文復以九山刊旅總結之

和夷底績

案釋文和如字又作穌釋文又曰鄭云和讀曰洹則與水經注謂鄭曰和讀爲桓異

蔡傳和夷地名嚴道以西

古嚴道縣今四川雅州府附郭雅安縣及名山縣地

有和川有夷道或其地也又案晁氏曰和夷二水名

今雅州榮經縣北

案今雅州升爲府榮經縣屬之

和川水自蠻界羅

岳州東

案羅岳唐劍南道羈縻州當在今雅州府邊界

西來逕蒙山所謂青

衣水而入岷江者也

案和水在四川雅州府天全州南四十里卽漢志蜀郡青衣縣

之蒙山谿也蔡氏以嚴道西之和川爲地名榮經之和川爲水名其實地在水旁卽以水名地名地非有兩處也山海經曰和山爲河之九都是山也五曲九水出焉合而北流注於河則和不但地與水名亦山名矣然與梁夷水

漢書地理志越嶲蘇示注曰江在州之和無涉夷水西北師古曰示讀曰祇巳古夷字

越嶲今四川越嶲廳蘇示不知所在當是越嶲邊境

出巴郡魚復縣東南過佷

山縣南又東過夷道縣北東入於江今詳二說皆未

可必

案晁以道所記夷水源委係撮水經注夷水之文與漢志蘇示之已江無涉巴郡今四川重慶

府

魚復在今四川夔州府附郭奉節縣東北徭酋山

在今

湖北宜昌府長陽縣西夷道在今湖北荆州府

宜都

縣西北乃自蜀入楚之水路去四川雅州府東

西幾

二千里斷無和夷並稱之理蓋和川之說雖未

可必

猶可備一解夷水則絕非也鄭康成曰和但經

夷和

上夷所居之地以註和夷無可疑議矣

言底績者三覃懷原隰既皆地名則此恐爲地名或

地名因水亦不可知也

案鄭康成謂和讀曰桓詳後西傾因桓是來下

厥土青黎

案史記作青驪

蔡傳黎黑也

案孔傳色青黑而沃壤正義王肅云青黑色黎小疏也顏師古曰色青而細疏

賦田惟下上厥賦下中三錯

蔡傳田第七等賦第八等雜出第七等第九等也案賦雜出他等者或以歲有豐凶或以戶有增減皆非也意者地力有上下年分不同如周官田一易再易之類故賦之等第亦有上下年分冀之正賦第一等而閒歲第二等也揚之正賦第七等而閒歲第六等也豫之正賦第二等而閒歲第一等也梁之正賦第八等而閒歲出第七第九等也當時必有條目詳具今不存矣書之所載特凡例也若歲之豐凶戶之增

減則九州皆然何獨於冀揚豫梁言哉

厥貢璆鐵銀鏤斨磬熊羆狐狸織皮

案古人或以熊羆狐狸織皮六字或

以織皮二字聯西傾因桓是來別爲一節

蔡傳璆玉磬

案說文球玉磬从玉求聲或从琴作璆廣韻璆與球同然雍州貢球是重出矣

鄭康成注曰黃金之美者謂之璆則不作璆而作鏤蓋古原是鏤後譌爲璆耳鐵柔鐵鏤剛

鐵可以刻鏤者也

案孔傳鏤剛鐵蔡氏本此徐文靖曰傳以鏤爲剛鐵非也爾雅金謂

之鏤詩虎韞鏤膺鄭箋鏤膺有刻金飾也禮雜記管仲鏤蓋鄭注刻爲蟲獸也明堂位玉琖仍雕夏后氏

以琖則雕鏤以爲飾可知也彝器款式夏后氏雕戈鈿紫金爲文是也若以爲剛鐵似當總名爲鐵如金

三品概名爲金也

有鐵石山山有斨石火燒之成鐵爲劍戟極利華陽

長江三峽

八

國志臺登縣縣志山有磐石禹貢所賦元
和郡縣志鐵石山在臺登縣東三十里
磐石磬也

案漢書禮樂志成帝時建爲水濱得言鐵而先於銀

者鐵之利多於銀也

案漢書地理志犍爲郡朱提注
山出銀應劭曰朱提山在西南

蘇林曰朱音銖提音時又食貨志朱提銀重八兩爲一流直一千五百八十宅銀一流直千兩也銖謂錢

南兩與食
五府地貨
上附志志
里郭異音
舊宜漢朱
嘗資朱稱
產縣提列
銀朱縣提
之提今音
處山四上
也在川支
縣後世卓氏程氏以鐵

治富擬封君案見漢書則梁之利尤在鐵也織皮者梁州

之地山林爲多獸之所走熊羆狐狸四獸之皮製之

可以爲裘其毳毛織之可以爲劓也○林氏曰徐州

貢浮磬此州旣貢玉磬又貢石磬豫州又貢磬錯以

[illegible]

此觀之則知當時樂器磬最爲重豈非以其聲角而
在清濁大小之間最難得其和者哉

西傾因桓是來浮于潛逾于沔入于渭亂于河

案漢書地理志

作西頃因桓是徠師古曰頃讀曰傾陸氏釋文則云
傾窺井反蓋西傾之傾兼平上兩音也潛漢書作潛
逾史記作踰又鄭康成謂織皮爲西戎之國以織皮連西傾因桓是來爲句

蔡傳西傾山名地志在隴西郡臨洮縣西

案班氏原

臨洮注禹貢西傾山在縣西在今和碩特南右翼中
旗之東南屬青海西甯辦事大臣管轄正東距甘肅
洮州廳三百餘里故古人皆云屬臨洮古名西嶺山
亦名嶺臺山蒙古語謂之魯察布拉山一作羅插普
喇山繙譯之轉音也西傾山在青海東南黃桓水名
河自東折西北之東岸延袤千里外跨諸羌

水經曰西傾之南桓水出焉

案桓水一名白水即漢志隴西郡西縣注所謂

西漢水南入廣漢白水東南至江州入江之白水也

一名墊江即漢志巴郡墊江縣之墊江也總名桓水

今此水出四川松潘廳西北二百餘里曰祥楚河亦

曰白水江亦曰清水江東南流逕甘肅之階州文縣

至四川保寧府昭化縣東入西漢水西漢水源漢志

稱隴西郡西縣嶓冢山西漢所出上流為犀牛江下

流為嘉陵江嘉陵江即西漢水故亦可曰入蘇氏曰

嘉陵江與水經注漾水篇所載白水水道同

漢始出為漾東南流為沔至漢中東行為漢沔

案沔水一名沮水漢書地理志武都郡沮注沮水出東狼谷考

東狼谷即嶓冢之別名漢之沮縣今陝西漢中府略

陽縣東南至漢中府沔縣西南入漢水曰沮口漾為

漢之上源合沮水曰沔東流曰漢故漾亦兼有沔稱

沮水之支津則橫通於東西兩漢之間故言兩漢者

又無不兼言漾沔也水經注漾水篇劉澄之云有水

從阿陽縣秦甘肅平涼南至梓潼漢壽今四川穴
鯢龍入大穴暗通山郭景純亦言是矣置山穴
小本不容水成大澤而流與漢合庾仲雍又言漢
水自武遂川南入蔓葛谷越野牛逕至關城合西漢
水故諸言漢者多言西漢水自葭萌入漢又曰始源
曰沔東西兩川俱受沔漢之名者義或在茲矣案道
元所引庾說漢水南入蔓葛谷者即寰宇記所言之
大寒水也水經注又謂之通谷水與置山下大穴復
出之水皆郭璞所云之潛也畢沅山海經校正曰通
谷水在今陝西漢中府葭州北俗名燕子河上承
東漢水西流合於西漢水也又案西漢水下流為嘉
陵江嘉陵江自四川重慶府附郭巴縣入於大江巴
縣漢之江州即漢志所云西漢水至江州入江也甯
羌州之燕子河則東西兩漢相通之道漢漾沔互稱
之由也水經注所云西漢水自葭萌入漢葭萌縣漢
屬廣漢郡今四川保寧府廣元昭化二縣及陝西漢
中府甯羌州皆葭萌地圖穴及通谷水古酈道元曰
故謂俱在葭萌為東西兩漢交通之處也

自西傾而至葭萌浮於西漢西漢即潛水也自西漢

遡流

案水經注作溯流
蔡氏引作遡誤

而屈於晉壽界阻濠支津

案

經注作沮濠
蔡氏引作阻誤

南歷岡北

案水經注作岡穴
蔡氏引作岡北誤

迤邐接

漢沔

水經注作迤邐而接漢沿此入
濠蔡氏引作迤邐接漢沔誤

歷漢川至於褒

水逾褒而暨于衙嶺之南溪灌于斜川屈于武功而

北以入于渭

案以上地詳
下案語注

漢武帝時人有上書欲通

褒斜道及漕事下張湯問之云褒水通沔斜水通渭

皆可以漕從南陽上沔入褒褒絕水至斜開百餘里

以車轉從斜下渭如此則漢中穀可致

案見史記河渠書帝拜張

湯子邛漢中守發數萬人作褒斜道五百餘里道果便近而水多湍石不可漕漢書溝洫志載此事與史記經言沔渭而不言褒斜者因大以見小也褒斜之同絕水百餘里故曰逾然於經文則當曰逾于渭今曰逾于沔此則未可曉也絕河而渡曰亂

案水經注桓水篇曰尙書禹貢和夷底績鄭玄曰和上夷所居之地也和讀曰桓地志曰桓水出蜀郡蜀

山西南行羌中者也

案班志原文蜀郡注禹貢桓水出蜀山西南行羌中入南海胡

渭曰漢志蜀山下桓水別是一水行羌中入南海不復經中國班氏指爲禹貢之桓水何其繆也胡氏此說甚尙書又曰西傾因桓是來馬融王肅云西治傾

山惟因桓水是來言無他道也余案經據書岷山西

傾俱有桓水桓水出西傾山更無別流所導者惟斯

水耳

案古者和本有桓音漢書酷吏傳尹賞瘞囚尸桓東如淳曰亭傳於四角面百步築土四方上

有屋屋上有柱出高大餘有大板貫柱四出名曰桓表縣所治夾兩邊各一桓陳宋之俗言桓聲如和今

猶謂之和表練鰲楓表師古曰即浮于潛漢而達江華表也華古音敷亦以聲近而變

沔故晉地道記曰梁州南至桓水西底黑水東限扞

關案史記楚世家肅王四年蜀伐楚取茲方楚爲扞關以拒之扞關即捍關也在今湖北宜昌府長陽

縣南七十里茲方今湖今漢中案漢中郡治在今陝

北荆州府松滋縣也西漢中案漢中府附郭南鄭

二縣東北

巴郡

案巴郡治在今四川

重慶府附郭巴縣

汶山

案汶山郡治在今四川茂

州汶山之蜀郡案蜀郡治在今四川成都漢嘉案漢

蜀郡

案蜀郡治在今四川成都府附郭成華陽二縣

漢嘉

案漢

治在今四川雅江陽
案江陽郡治在今
宋提為郡朱

江陽案江陽郡治在今四川瀘州直隸州

朱提爲案漢
郡朱提

提舉晉升爲朱提郡郡治在涪陵案涪陵郡治在今四川重慶府涪州

涪陵案涪陵郡治在今四川重慶府涪州

陰平 案陰平郡治在今甘肅階州文縣西北

廣漢 案廣漢郡治在今四川成都府漢州

新

案陰平郡治在今甘肅階州文縣西北

廣漢案廣漢郡治在今四川成都漢州新

都案新都郡治在今四川成都府新都縣梓潼案梓潼郡治在今四川綿州梓潼縣犍爲

梓潼案梓潼郡治在今健爲

案健爲郡治在今四川眉州彭山縣東北十武都武

都郡治在今甘肅
上庸案上庸郡治在今湖北
鄖陽府竹山縣西南
魏興

案上庸郡在今湖北
鄖陽府竹山縣西南
魏興

案魏興郡治在今陝西興
安府附郭安康縣西北
皆古梁州之地自桓水以

皆古梁州之地自桓水以

南爲夷書所謂和夷底績也然所可當者惟斯水與

江耳桓水蓋二水之別名爲兩川之通稱矣鄭玄注

尙書言織皮爲西戎之國西傾雍州之山雍戎二野

之間人有事於京師者道當由此州而來桓是隴阪

名其道盤桓旋曲而上故名曰桓是今其下民謂是

阪曲爲盤也

案此語有脫誤段玉裁曰讀爲斯乃玄今其下民謂阪爲是曲爲盤也

之別致恐乖尙書因桓之義非浮潛入渭之文

案隴道元

以和夷之桓水卽西傾之桓水鄭乃謂桓是爲隴阪之名道元指爲別解者不以爲然也

余考校

諸書以具聞見然自西傾至葭萌入于西漢

案秦葭萌縣故

城在今四川保寧府廣元縣西北卽唐之利州綿谷縣廣元東北距陝西漢中府寧羌州二百里故寧羌

州亦古葭
萌縣之地
卽鄭玄之所謂潛水者也自西漢遡流而

屈於晉壽界沮漾支津南歷岡穴迤邐而接漢沿此

入漾書所謂浮潛而逾沔矣
案沮水已見前蔡傳下案語沮漾支津南沮漾

支津卽郭璞爾雅音義所云有水從沔縣南流至漢
壽寰宇記所云三泉故縣南大寒水西流者也漢書

船牌沔縣歷岡穴迤邐而接漢卽郭璞所云入大
穴通沔山下及括地志所云龍門大石穴也五詳沔

潛旣道蔡歷漢川至南鄭縣
案卽今陝西漢中府附郭之南鄭縣漢江在縣

城南屬於褒水
案今褒城亦漢中府之屬縣褒水溯

褒暨於衙嶺之南
案衙嶺在今陝西鳳翔府郿縣西

北雍梁之間稱爲阻
隘俗謂之馬鞍山溪水灌於斜川屈於武功而

北達于渭水

案武功今陝西乾州直隸州武功縣渭水在縣西南二十里

此乃水

陸之相關川流之所經復不乖禹貢入渭之宗實符
尙書亂河之義也

又案漾沔漢一水灌注次第而有三名禹貢浮潛入
渭之路在漾之下漢之上正此水名爲沔處故曰逾
于沔褒斜本谷名南口曰褒北口曰斜長四百七十
里水因谷得名南曰褒水北曰斜水褒通沔斜通渭
斜水自衙嶺北至郿縣入渭而褒斜二水究不相通
褒水自衙嶺南至南鄭入沔

漢時勉強開通且湍石不可漕況禹時乎酈道元所

謂浮潛逾沔則甚是謂溯褒暨衙嶺南溪水支灌于
斜川則竟謂褒斜兩水相通矣此乃依經傳會之辭
不可信也禹時梁州貢道浮潛以至漢上舍舟而陸
歷岡穴不過二十餘里乃浮沔以達褒水復陸行徑
褒斜谷以達斜水亦不過百餘里然後浮斜水達渭
以渡河然經之例陸行抵水謂之逾由水入水謂之
入從漢上陸行二十餘里而至沔故曰逾于沔褒水統於
沔水故經陸行百餘里而至斜水斜水統於渭則經
不言褒當曰逾于渭而乃曰入于渭此蔡氏所以謂未可曉

也傳寅曰

寅字同叔宋人
著有禹貢集解

浮潛以至漢上去沔爲近

故舍舟陸行以入沔而沔之相通者有襄自襄逾斜
北達渭言入不言達者以襄斜之間絕水百餘里上
文旣言逾沔亦所以該下而省文也沔襄旣是水道
言沔不言襄可也斜渭旣是水道言渭不言斜可也
如必欲言沔渭之間有襄斜絕水不通則當曰逾于
沔逾于渭古人之文豈如是之不簡直哉斯言得之
矣